

Mustafe Busuladžića od broja 1 do broja 59 i od broja 2 do broja 14, Nahorevska od broja 1 do broja 5 i od broja 2 do broja 138, Nusreta Fazlibegovića od broja 1 do broja 71 i od broja 2 do broja 82, Osmana Krupalije od broja 1 do broja 21 i od broja 2 do broja 36, Patriotske lige od broja 9 do 67 i od broja 36 do broja 56 i Rušida Prgude od broja 1 do broja 33 i broja 2 do broja 18".

U članu 12. stav 3. točka 2. tekst, "Branilaca Šipa od broja 1 do broja 29 i od broja 2 do broja 20", mijenja se i glasi "Branilaca Šipa od broja 1 do broja 33 i od broja 2 do broja 30".

U članu 15. stav 1. točka 5. tekst, "Trebevička od broja 117 do broja 151 i od broja 72 do broja 118", mijenja se i glasi "Boraca Zlatišta od broja 1 do broja 55 i od broja 2 do broja 88".

U članu 17. stav 2. točka 7. tekst, "Savjet mjesne zajednice ukupno 9 članova, "Breka-Koševo II". Mjesno područje Breka broj članova Savjeta mjesne zajednice 4. Mjesno područje Koševo II broj članova Savjeta mjesne zajednice 5", mijenja se i glasi "Savjet mjesne zajednice "Breka", ukupno 5 članova. Savjet mjesne zajednice "Koševo II", ukupno 5 članova".

Član 2.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-49-803/17
27. marta 2017. godine
Sarajevo

Predsjedavajuća
Općinskog vijeća
Karolina Karačić, s. r.

Ova odluka je objavljena na oglasnoj ploči Općine Centar dana 30.03.2017. godine.

Na osnovu člana 78. stav 2. Zakona o prostornom uređenju ("Službene novine Kantona Sarajevo", broj 7/05), člana 13. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/19) i čl. 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Općine Centar Sarajevo je, na Osmoj redovnoj sjednici održanoj dana 27.03.2017. godine, donijelo

ODLUKU

O UVJETIMA I NAČINU POSTAVLJANJA FIRMI, REKLAMA I DRUGIH SADRŽAJA NA GRAĐEVINAMA I FASADAMA I UREĐENJU FASADA NA PODRUČJU OPĆINE CENTAR SARAJEVO

I - OPĆE ODREDBE

Član 1.

Ovom odlukom regulišu se uvjeti i način postavljanja firmi, reklama, reklamnih panoa, displeja, reklamnih vitrina, transparentata, zastava, fasadnih tendi, satelitskih antena, kablovskih sistema, klima uređaja i izrade murala na građevinama i fasadama na području Općine Centar Sarajevo (u daljnjem tekstu: Općine), te način naplate naknade za izvođenje navedenih radova.

Član 2.

U smislu ove Odluke:

- firmom se smatra ime pod kojim preduzeće posluje, imena organa uprave i drugih državnih organa i organizacija, imena udruženja, gradana, imena sportskih i kulturnih društava, humanitarnih organizacija, imena radnji gradana koji samostalno vrše ugostiteljsku, zanatsku i zanatskoj sličnu djelatnost i nazivi advokatskih i notarskih kancelarija, pod uvjetom da su istaknuti na radnim prostorijama na kojima se po Zakonu moraju istaći;
- reklamom se smatraju imena, nazivi i njihove skraćene oznake, koje se u smislu ove Odluke ne smatraju firmom, kao i svaki drugi natpis na javnom mjestu kojim vlasnik ukazuje na svoje proizvode i usluge;
- svjetlećom firmom i reklamom se smatraju elementi u pravilu izvedeni od neonskih cijevi sa metalnom, plastičnom ili drugom odgovarajućom podlogom;

- reklamnim panoom se smatra panel definisanih dimenzija, oblika, materijalizacije i načina fiksiranja, koji služi za reklamiranje firme ili proizvoda, u pravilu izraden od aluminijuma, plastike ili eloksiranih profila;
- displejem se smatra elektronski uređaj koji je sastavljen od ravnih panela (LCD ili PDP), medija plejera i sistema distribucije lajtova, koji predstavljaju mrežu prilagodljivih uređaja koji mogu biti upravljani elektronski ili upotrebom računara a omogućavaju brzu izmjenu sadržaja na ekranu;
- transparentom se smatraju reklamni natpisi i reklamni tekstovi u utvrđenim dimenzijama u svrhu obavještanja javnosti o određenim događajima, a istaknuti na oglasnim mjestima definiranim ovom Odlukom;
- fasadna tendč je montažno-demontažna konstrukcija raznih oblika i materijalizacije fiksirana na fasadu objekta;
- klima uređaji su vanjske jedinice klimatizacijskog sistema koje se pričvršćuju na fasadu objekta;
- mural je oslikana zidna ili fasadna površina kojoj prethodi pripremanje podloge u smislu uređenja fasade;
- smrtovnice su vrsta oglasa koji se postavljaju bez odobrenja nadležnog organa u blizini pogrebnog preduzeća i društva, grobalja, vjerskih objekata i ustanova, u naselju gdje je umrli stanovao, odnosno na radnim prostorijama gdje je umrlo lice bilo zaposleno.

Član 3.

Rješenje kojim se odobrava postavljanje sadržaja u smislu ove Odluke donosi Općinski načelnik putem Službe za prostorno uređenje i komunalne poslove (u daljem tekstu Služba), a na zahtjev pravnog ili fizičkog lica.

Rješenje se dostavlja općinskoj inspekciji i poreznoj upravi F BiH - ispostava Centar.

II - UVJETI I NAČIN POSTAVLJANJA

Član 4.

Podnosilac zahtjeva u smislu ove Odluke su pravna i fizička lica koja posjeduju odobrenje za obavljanje određene djelatnosti, odnosno akt o registraciji izdat od nadležnog suda. Služba razmatra urbanističko-tehničke uvjete za postavljanje sadržaja obuhvaćenih ovom Odlukom, te ukoliko ocijeni da je to neophodno može pribaviti mišljenje Ministarstva saobraćaja KS, odnosno upravitelja ceste, Zavoda za planiranje razvoja KS i Kantonalnog zavoda za zaštitu kulturno-historijskog i prirodnog naslijeđa, i tome donosi rješenje. Ukoliko se radi o objektu graditeljskog naslijeđa koji je evidentiran kod Službe Kantonalnog zavoda za zaštitu kulturno-historijskog i prirodnog naslijeđa pribavljanje mišljenja tog Zavoda je obavezno.

Član 5.

Uz zahtjev za izdavanje odobrenja za postavljanje firmi potrebno je priložiti sljedeće:

- akt o registraciji firme, odnosno dozvola za rad izdata od strane nadležnog organa;
- pravni osnov korištenja poslovnog prostora,
- kopija katastarskog plana,
- projekat koji sadrži tekst firme-puni i skraćeni naziv, u skladu sa aktom o registraciji firme, odnosno dozvolom za rad, detaljan tehnički opis, prikaz okolnog prostora sa ucrtanom mjestom firme, statički proračun sigurnosti ovjeren od ovlaštenog lica za sve firme postavljene konzolno, odnosno veće od 60 x 60 cm;
- saglasnost za priključenje na električnu mrežu i saglasnost na mjere zaštite od požara i eksplozije na projekat, za firme koje se napajaju električnom energijom.

Služba može zahtijevati i druge priloge.

Firma se postavlja tako da mora biti uočljiva i vidljiva bez obzira na radno vrijeme objekta na koji se odnosi.

Na objektu čija ulična strana nema slobodnog prostora za fiksiranje firme na fasadi, firma se ističe u izlogu ili na izlogu, a ako se izlog zatvara onda i na elementu kojim se izlog zatvara.

Član 6.

Uz zahtjev za izdavanje odobrenja za postavljanje reklama i reklamnih vitrina potrebno je priložiti sljedeće:

- akt o registraciji firme, odnosno dozvola za rad izdata od strane nadležnog organa;
- kopija katastarskog plana,
- zemljišnoknjižni izvadak,
- projekat koji sadrži tekst reklame-puni i skraćeni naziv, detaljan tehnički opis, prikaz okolnog prostora sa ucrtanim mjestom reklame, statički proračun sigurnosti ovjeren od ovlaštenog lica za sve reklame postavljene konzolno, odnosno veće od 60 x 60 cm;
- za sadržaje koji se napajaju električnom energijom - saglasnost za priključenje na električnu mrežu i saglasnost na mjere zaštite od požara i eksplozije na projekat;
- za krovne reklame i svjetleće reklame u objektu na koji se postavljaju - ovjerena Saglasnost etažnih vlasnika, a u skladu sa odredbama Zakona o stvarnim pravima ("Službene novine Federacije BiH", br. 66/13 i 100/13), za objekte kolektivnog stanovanja;
- listing stanara za objekte kolektivnog stanovanja.

Služba može zahtijevati i druge priloge.

Pravna i fizička lica u smislu ove Odluke mogu u reklamama istaći svoje proizvode i usluge čije isticanje nije Zakonom zabranjeno.

Član 7.

Konzolne firme i reklame ne mogu se postavljati na visini manjoj od 2,5 m od nivoa trotoara, odnosno na visini manjoj od 4,5 m od nivoa ulice koja nema trotoar.

Član 8.

Uz zahtjev za postavljanje fasadnih reklamnih panoa, odnosno displeja potrebno je priložiti sljedeće:

- akt o registraciji firme, odnosno dozvola za rad izdata od strane nadležnog organa;
 - kopija katastarskog plana,
 - zemljišnoknjižni izvadak,
 - projekat kojim se prikazuje sadržaj, detaljan tehnički opis, prikaz okolnog prostora sa ucrtanim mjestom postavljanja, statički proračun ovjeren od ovlaštenog lica,
 - saglasnost za priključenje na električnu mrežu i saglasnost na mjere zaštite od požara i eksplozije na projekat, za navedene sadržaje koji se napajaju električnom energijom,
 - ovjerena Saglasnost etažnih vlasnika, a u skladu sa odredbama Zakona o stvarnim pravima ("Službene novine Federacije BiH", br. 66/13 i 100/13), za objekte kolektivnog stanovanja ili saglasnost vlasnika objekta na kojem se traži postavljanje reklamnog panoa ili reklamnog displeja.
 - listing stanara za objekte kolektivnog stanovanja.
- Služba može zahtijevati i druge priloge.

Član 9.

Uz zahtjev za izdavanje odobrenja za izradu murala potrebno je priložiti sljedeće:

- akt o registraciji firme, odnosno dozvola za rad nadležne službe,
 - kopija katastarskog plana,
 - zemljišnoknjižni izvadak,
 - projekat kojim se prikazuje sadržaj, detaljan tehnički opis, prikaz okolnog prostora sa kreacijom murala,
 - predmjer svih radova pripreme zida i izrade murala;
 - ovjerena Saglasnost etažnih vlasnika, a u skladu sa odredbama Zakona o stvarnim pravima ("Službene novine Federacije BiH", br. 66/13 i 100/13), za objekte kolektivnog stanovanja ili saglasnost vlasnika objekta na kojem se traži postavljanje murala.
- Služba može zahtijevati i druge priloge.

Član 10.

Uz zahtjev za postavljanje transparenta potrebno je priložiti sljedeće:

- kreacija transparenta, dimenzije, materijalizacija, boja i tekst transparenta koji ne smije vrijeđati nacionalna, vjerska i kulturna osjećanja građana,
- mjesto isticanja transparenta,
- vremenski period isticanja transparenta,
- ovjerena pisana izjava podnosioca zahtjeva da će predmetna oglasna površina biti vraćena u prvobitno, odnosno tehnički ispravno stanje.

Služba može zahtijevati i druge priloge.

Oglašavanje putem transparenta na javnom mjestu može se vršiti samo povodom državnih i vjerskih praznika i održavanja značajnih manifestacija kulturnog, privrednog, političkog i sportskog karaktera.

Odobrenje nije potrebno za postavljanje prigodnih natpisa u izlogu povodom državnih i vjerskih praznika.

Lokacije za postavljanje transparenta na području Općine Centar Sarajevo su:

- ulica Maršala Tita kod broja 2,
- ulica Maršala Tita kod broja 38,
- ulica Maršala Tita kod broja 60,
- ulica Ferhadija kod broja 4,
- ulica Ferhadija kod broja 7,
- ulica Branilaca Sarajeva kod broja 31,
- ulica Branilaca Sarajeva kod broja 32,
- ulica Branilaca Sarajeva kod broja 51,
- Ajfelov most
- Most Ciglane

Član 11.

Zastave koje se obavezno postavljaju povodom državnih praznika postavljaju se na utvrđenim mjestima, bez odobrenja nadležne općinske službe.

Reklamne zastave se postavljaju na već određenim mjestima (jarboli, konzole i sl.) po odobrenju Službe, te ako se iste postavljaju u cestovnom pojasu, uz prethodno pribavljenu saglasnost nadležnog upravitelja ceste.

Član 12.

Uz zahtjev za izdavanje odobrenja za postavljanje satelitskih antena i klima uređaja prilaže se:

- ovjerena Saglasnost etažnih vlasnika, a u skladu sa odredbama Zakona o stvarnim pravima ("Službene novine Federacije BiH", br. 66/13 i 100/13), za objekte kolektivnog stanovanja;
- za objekte kolektivnog stanovanja,
- kopija katastarskog plana,
- zemljišnoknjižni izvadak,
- izvadak iz knjige položenih ugovora,
- projekat gdje naznačena lokacija, detaljan tehnički opis, prikaz okolnog prostora sa ucrtanim mjestom postavljanja, statički proračun ovjeren od ovlaštenog lica te način odvodnje kondenzata,
- saglasnost na mjere zaštite od požara i eksplozije na projekat za sadržaje koji se napajaju električnom energijom.

Služba može zahtijevati i druge priloge.

Klima uređaji i satelitske antene mogu se postaviti konzolno, na fasadu objekta, pod uslovom da se radi o neutralnim, dvorišnim prostorima i da ne narušavaju izgled fasade objekta kao ni uvjete stanovanja i rada u objektu.

Klima uređaji postavljeni na fasadi objekta moraju biti ugrađeni na način da se kondenzat ne ispušta na javnu površinu.

Član 13.

Zahtjev za postavljanje tende na građevine i fasade treba da sadrži:

- akt o registraciji firme, odnosno odobrenje za rad,

- kopiju katastarskog plana parcele na kojoj se postavlja tenda,
- projekat tende sa ovjerenim statičkim proračunom konstrukcije od ovlaštene institucije,
- dokaz o vlasništvu predmetnog poslovnog prostora,
- ovjerena Saglasnost etažnih vlasnika, a u skladu sa odredbama Zakona o stvarnim pravima ("Službene novine Federacije BiH", br. 66/13 i 100/13), za objekte kolektivnog stanovanja ili saglasnost vlasnika objekta na kojem se traži postavljanje.

Služba može zahtijevati i druge priloge.

Tende koje obezbjeđuju zaštitu poslovnog prostora ili ljetne bašte od sunca mogu se postaviti konzolno, na fasadu objekta, pod uvjetom da ne ugrožavaju stanovanje ili rad u susjednim prostorima, te da su u skladu sa saobraćajnim propisima.

Član 14.

Izdavanje odobrenja za sadržaje na fasadama i građevinama koji nisu tretirani ovom Odlukom obavlja nadležna općinska služba kroz postupak izdavanja urbanističke saglasnosti, odobrenja za građenje i odobrenja za upotrebu, a u skladu sa Zakonom o prostornom uređenju ("Službene novine Kantona Sarajevo", broj 7/05).

III - ODRŽAVANJE

Član 15.

Vlasnici, odnosno investitori sadržaja definisanih članom 1. ove Odluke, dužni su sadržaje postavljene na fasadnom ili drugim objektima održavati u ispravnom i urednom stanju, a po isteku roka za postavljanje ili prestanka potrebe za njihovim postavljanjem, iste trebaju ukloniti i mjesto na kojem su bili postavljeni dovesti u tehnički ispravno, odnosno prvobitno stanje.

Prilikom postavljanja sadržaja tretiranih ovom Odlukom na fasadne ili druge objekte potrebno je voditi računa da se ti objekti ne oštećuju, te ukoliko dođe do oštećenja investitor je dužan istu površinu dovesti u prvobitno, odnosno tehnički ispravno stanje.

IV - ROKOVI

Član 16.

Odobrenje za isticanje firme izdaje se za period dok traje rad u poslovnim prostorijama. Odobrenje za isticanje reklama, reklamnih panoa, reklamnih vitrina, displeja, fasadnih tendi, reklamnih zastava daje se sa rokom važnosti od 1 godine.

Odobrenje za postavljanje murala izdaje se na 5 godina.

V - NAKNADE

Član 17.

Naknada za postavljanje firmi, reklama, reklamnih panoa, displeja i reklamnih vitrina plaća se u skladu sa Zakonom o komunalnim taksama.

Član 18.

Za izvođenje radova iz člana 1. ove odluke, vlasnik, odnosno investitor dužan je platiti odgovarajuću naknadu Općini Centar, a dokaz o plaćenju naknadi prilaže se prilikom preuzimanja rješenja kojim se odobrava postavljanje datih sadržaja, i to kako slijedi:

- a) Za postavljanje reklamnih panoa i murala (izuzev murala koji su umjetničko djelo, te koji ne sadrže reklamnu poruku za koje se ne plaća naknada)-120 KM/m², mjesečno. Utvrđena naknada plaća se unaprijed mjesečno, za odobreni period, a prva rata prilikom preuzimanja rješenja.
- b) Za postavljanje reklame/firme 15 KM/m², mjesečno, ako je reklama postavljena na poslovnom prostoru u kojem se obavlja djelatnost. Utvrđena naknada plaća se unaprijed, za odobreni period, prilikom preuzimanja rješenja.
- c) Za postavljanje displeja 210 KM/m² mjesečno. Utvrđena naknada plaća se unaprijed mjesečno, za odobreni period, a prva rata prilikom preuzimanja rješenja.

- d) Za postavljanje reklamnih vitrina 210 KM/m² mjesečno. Utvrđena naknada plaća se unaprijed mjesečno, za odobreni period, a prva rata prilikom preuzimanja rješenja.
- e) Za postavljanje transparentata 50 KM/dnevno. Utvrđena naknada plaća se unaprijed, za odobreni period, prilikom preuzimanja rješenja.
- f) Za isticanje plakata i oglasa 20 KM/dnevno. Utvrđena naknada plaća se unaprijed, za odobreni period, prilikom preuzimanja rješenja.
- g) Za isticanje sličnih sadržaja 20 KM/dnevno. Utvrđena naknada plaća se unaprijed, za odobreni period, prilikom preuzimanja rješenja.

Prikupljena naknada pripada u cijelosti Općini Centar Sarajevo i namjenski će se koristiti za obnovu fasada i utopljanje zgrada.

Član 19.

Naknada za postavljanje sadržaja iz člana 18. ove Odluke utvrđena posebnim rješenjem, obračunava se u bruto iznosu, koji uključuje neto iznos sa obračunatim iznosom PDV-a. Rješenje kojim se utvrđuje naknada donosi Općinski načelnik.

VI - NADZOR

Član 20.

Inspeksijski nadzor nad provođenjem ove Odluke vrše komunalna i urbanističko-gradevinska inspekcija, svaka u okviru svoje nadležnosti.

VII - KAZNENE ODREDBE

Član 21.

Novčanom kaznom kazniče se fizičko lice ili imalac radnje od 300 do 1000 KM, a pravna lice kazniče se novčanom kaznom od 2000 do 7000 KM ako:

- bez odobrenja ili protivno odobrenju nadležnog organa istakne firmu, reklamu, reklamnu vitrinu ili reklamni pano, displej, transparent, tendu, reklamnu zastavu, satelitsku antenu, klimu i mural.
- prilikom reklamiranja ističe proizvode i usluge čije reklamiranje je zakonom zabranjeno;
- sve sadržaje navedene ovom Odlukom ne ukloni ili ne dovede u prvobitno ili tehnički ispravno stanje;
- ne izvrši rješenje nadležnog inspektorata doneseno u vršenju inspeksijskog nadzora nad sprovođenjem odredaba ove Odluke.

VIII - ZAVRŠNE ODREDBE

Član 22.

Rješenja za postavljanje sadržaja navedenih ovom Odlukom ostaju na snazi do isteka roka određenog u rješenju.

Rješenja iz prethodnog stava, u kojima nije određen vremenski rok, a izdata su do dana stupanja na snagu ove Odluke, imaju se u roku od jedne godine uskladiti sa odredbama ove odluke.

Ako je do stupanja na snagu ove odluke upravni postupak pokrenut kod nadležnog organa, a nije doneseno prvostepeno rješenje ili je rješenje poništeno i vraćeno prvostepenom organu na ponovni postupak, postupak će se nastaviti po odredbama ove Odluke.

Član 23.

Protiv upravnih akata općinskog načelnika donesenih na osnovu ove Odluke u drugom stepenu rješava nadležni Drugostepeni organ za žalbe.

Član 24.

Rješenja za postavljanje firmi, reklama, reklamnih panoa, displeja i reklamnih vitrina izdata do stupanja na snagu ove Odluke, ostaju na snazi do isteka roka određenog u rješenju.

Član 25.

Stupanjem na snagu ove Odluke prestaje primjena Odluke o postavljanju firmi i reklama na građevinama i fasadama i

uređenju fasada na području Općine Centar Sarajevo ("Službene novine Kantona Sarajevo", broj 7/06).

Broj 01-23-1965/17
27. marta 2017. godine
Sarajevo

Predsjedavajuća
Općinskog vijeća
Karolina Karačić, s. r.

Ova Odluka je objavljena na oglasnoj ploči Općine Centar dana 30.03.2017. godine.

Na osnovu čl. 27. Zakona o privremenom korištenju javnih površina na području Kantona Sarajevo ("Službene novine Kantona Sarajevo" br. 20/04, 26/12, 32/12 i 24/15), člana 13. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09) i čl. 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Osmoj redovnoj sjednici održanoj dana 27.03.2017. godine, donijelo

ODLUKU

O IZMJENAMA I DOPUNAMA ODLUKE O PRIVREMENOM KORIŠTENJU JAVNIH POVRŠINA NA PODRUČJU OPĆINE CENTAR SARAJEVO

Član 1.

U Odluci o privremenom korištenju javnih površina na području Općine Centar Sarajevo - Prečišćeni tekst ("Službene novine Kantona Sarajevo", br. 9/12 i 24/16), u članu 2. dodaje se stav 1. i glasi:

"Površine u smislu ove Odluke su izgrađeno i neizgrađeno gradsko građevinsko zemljište u javnoj upotrebi, definisane članom 3. Zakona o privremenom korištenju javnih površina ("Službene novine Kantona Sarajevo", br. 20/04, 26/12, 32/12 i 24/15)".

Dosadašnji stav 1. postaje stav 2.

Član 2.

U članu 9. iza stava 1. dodaje se stav 2. i glasi:

"Korisnicima javne površine iz stava 1. odobrenje za korištenje javne površine može se izdati samo za naprijed navedene periode neprekidno."

Član 3.

Mijenja se član 19., stav 1., alineje 1., 2., 3. i 4., tako da sada glase:

"Naknada za postavljanje kioska za koji je produženo odobrenje za građenje, u skladu sa odredbama Zakona o prostornom uređenju, iznosi:

Extra zona	80,00 KM/m ² , mjesečno.
I zona	65,00 KM/m ² , mjesečno.
II zona	40,00 KM/m ² , mjesečno.
III zona	30,00 KM/m ² , mjesečno."

Član 4.

U članu 24. iza stava 1. alineja 4. dodaje se stav 2. i glasi:

"Naknada za postavljanje prodajnih stolova/tezgi prilikom održavanja kulturnih, sportskih i sličnih manifestacija od posebnog značaja za Grad Sarajevo i Općinu Centar, a na koje se očekuje masovno okupljanje gradana (npr. javni doček Nove godine i sl.) iznosi 1.000,00KM/dnevno."

Dosadašnji stav 2. postaje stav 3.

Član 5.

U članu 25. iza stava 1. alineja 4. dodaje se stav 2. i glasi:

Naknada za postavljanje rashladnih uređaja uz trafiku, po uređaju, iznosi:

Extra zona	270,00 KM, mjesečno.
I zona	234,00 KM, mjesečno.
II zona	198,00 KM, mjesečno.
III zona	90,00 KM, mjesečno.

Dosadašnji stav 2. postaje stav 3.

Član 6.

U članu 28. iza stava 2. dodaje se stav 3. i glasi:

"Naknada za postavljanje objekta jednostavnih usluga prilikom održavanja značajnih kulturnih, sportskih i sličnih manifestacija iznosi 1.000,00 KM/dnevno, a utvrđena naknada plaća se unaprijed, za odobreni period, prilikom preuzimanja rješenja."

Član 7.

U članu 29. iza stava 2. dodaje se stav 3. i glasi:

"Naknada za postavljanje uslužne naprave prilikom održavanja značajnih kulturnih, sportskih i sličnih manifestacija iznosi 1.000,00 KM/dnevno, a utvrđena naknada plaća se unaprijed, za odobreni period, prilikom preuzimanja rješenja."

Član 8.

Briše se član 43. Odluke.

Član 9.

Član 44. stav 1. mijenja se i glasi:

"Korisnik javne površine može se opredijeliti da plaća naknadu iz čl. 18., 19., 20., 21., 22., 23., 25., 26., 28., 29., 30., 31., 32., 33., 36., 37., 38., 39., 40. i 41. unaprijed za cijeli odobreni period ili mjesečno. Ukoliko se opredijeli da plaća naknadu mjesečno, korisnik javne površine obavezan je da izvrši uplatu za jedan mjesec prilikom preuzimanja rješenja, a za ostale mjesece da priloži bankovnu garanciju na iznos duga, a ukoliko ne može obezbijediti bankovnu garanciju, onda mora priložiti dokaz o otvorenom trajnom nalogu na iznos duga kod banke ili lične bjanko mjenice (dvije za pravno lice, pet za fizička lica), potpisane i akceptirane sa ovlaštenjem za popunjavanje u korist Općine Centar Sarajevo na iznos duga."

Stav 2. i 3. brišu se.

Dosadašnji stav 4. postaje stav 2.

Član 10.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-23-1964/17
27. marta 2017. godine
Sarajevo

Predsjedavajuća
Općinskog vijeća
Karolina Karačić, s. r.

Ova odluka je objavljena na oglasnoj ploči Općine Centar dana 30.03.2017. godine.

Na osnovu člana 53. Zakona o eksproprijaciji ("Službene novine Federacije BiH", broj 70/07 i 36/10) i članova 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", br. 23/04), Općinsko vijeće Centar Sarajevo je, na Osmoj redovnoj sjednici Općinskog vijeća održanoj dana 27.03.2017. godine, donijelo

ODLUKU

O UTVRĐIVANJU VISINE NAKNADE ZA GRAĐEVINSKO, POLJOPRIVREDNO I GRADSKO GRAĐEVINSKO ZEMLJIŠTE U 2017. GODINI

Član 1.

Ovom odlukom utvrđuje se visina naknade za građevinsko, poljoprivredno i gradsko građevinsko zemljište u državnom i privatnom vlasništvu koje se preuzima, odnosno izuzima i ekspropriše od ranijih vlasnika u cilju privodenja trajnoj namjeni prema postojećoj planskoj dokumentaciji, te dodjeljuje radi legalizacije već izgrađenih objekata (stambenih, poslovnih, proizvodnih i drugih) na području Općine Centar Sarajevo u 2017. godini.

Član 2.

Naknada za građevinsko, poljoprivredno i gradsko građevinsko zemljište iz člana 1. ove Odluke određuje se u skladu sa članom 53. Zakona o eksproprijaciji Federacije Bosne i

(2) Za člana Komisije za poslovne prostorije umjesto Hajre Aljića, izabran je Velija Katica.

Član 2.

(1) Sanida Džanko, razrješava se dužnosti člana Komisije za Statut i propise.

(2) Za člana Komisije za Statut i propise umjesto Sanide Džanko, izabrana je Andrea Hercegovac.

Član 3.

U Komisije za odnose sa vjerskim zajednicama izabrani su Saliha Beha i Asim Karović.

Član 4.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 01-49-1088/17
20. aprila 2017. godine
Sarajevo

Predsjedavajuća
Općinskog vijeća
Karolina Karačić, s. r.

Ova odluka je objavljena na oglasnoj ploči Općine Centar dana 24.04.2017. godine.

Na osnovu člana 45. a u vezi sa članom 21. Zakona o pravobranilaštvu - Novi prečišćeni tekst ("Službene novine Kantona Sarajevo", br. 33/08 i 7/12) i člana 17. Odluke o Pravobranilaštvu Općine Centar Sarajevo ("Službene novine Kantona Sarajevo", broj 32/10), Općinsko vijeće Centar Sarajevo je, na Devetoj redovnoj sjednici održanoj dana 20.04.2017. godine, donijelo

ODLUKU

O IMENOVANJU PRAVOBRANIOCA OPĆINE CENTAR SARAJEVO

I

Melunović (Halil) Suanita iz Sarajeva, diplomirani pravnik sa položenim pravosudnim ispitom, imenuje se za pravobranioca Općine Centar Sarajevo.

II

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-49-1089/17
20. aprila 2017. godine
Sarajevo

Predsjedavajuća
Općinskog vijeća
Karolina Karačić, s. r.

Ova odluka je objavljena na oglasnoj ploči Općine Centar dana 24.04.2017. godine.

Na osnovu člana 78. stav 2. Zakona o prostornom uređenju ("Službene novine Kantona Sarajevo", broj 7/05), člana 13. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09) i čl. 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Općine Centar Sarajevo je, na Devetoj redovnoj sjednici održanoj dana 20.04.2017. godine, donijelo

ODLUKU

O IZMJENAMA I DOPUNAMA ODLUKE O UVJETIMA I NAČINU POSTAVLJANJA FIRMI, REKLAMA I DRUGIH SADRŽAJA NA GRAĐEVINAMA I FASADAMA I UREĐENJU FASADA NA PODRUČJU OPĆINE CENTAR SARAJEVO

Član 1.

U Odluci o uvjetima i načinu postavljanja firmi, reklama i drugih sadržaja na građevinama i fasadama i uređenju fasada na području Općine Centar Sarajevo, broj 01-23-1965/17 od

27.03.2017. godine, u članu 2., stav 1. iza posljednje alineje dodaju se nove alineje i glase:

- WALLSCAPE se smatra fasadni reklamni pano izraden od vinila, mash platna, mash folije ili drugog materijala postavljen u okvir ili pričvršćen ringlama za čvrsti objekat, ogradu ili gradilišnu ogradu i druge slične sadržaje;
- BILLBOARD je reklamni pano, dvostrani ili jednostrani, osvijetljen ili neosvijetljen, montiran na fasadu objekta, ogradu gradilišta i druge slične sadržaje;
- CITY LIGHT je reklamno kućište, dvostrano ili jednostrano, osvijetljeno ili neosvijetljeno, montiran na fasadu objekta i druge slične sadržaje;
- MEDIA FASADA je vrsta fasade koja čini sastavni dio objekata u javnoj upotrebi, izvedena kao pletena inox mreža, pričvršćena na čeličnu podkonstrukciju a u funkciji je medijskog oglašavanja.

Član 2.

U članu 6., mijenja se stav 1. i glasi:

Uz zahtjev za izdavanje odobrenja za postavljanje reklama, reklamnih vitrina i city lightova, potrebno je priložiti sljedeće:

Član 3.

U članu 8., mijenja se stav 1. i glasi:

Uz zahtjev za postavljanje fasadnih reklamnih panoa, displeja, wallscape-a i billboarda, potrebno je priložiti sljedeće:

Član 4.

U članu 18., stav 1. mijenjaju se alineje a), c), d.). i dodaju se alineje h) i i) i glase:

- a) Za postavljanje reklamnih panoa, murala i wallscape (izuzev murala koji su umjetničko djelo, te koji ne sadrže reklamnu poruku za koje se ne plaća naknada) do 50 m²/150 KM, mjesečno, odnosno preko 50 m²/200 KM, mjesečno. Utvrđena naknada plaća se unaprijed mjesečno, za odobreni period, a prva rata prilikom preuzimanja rješenja.
- c) Za postavljanje displeja do 12 m²/300 KM, mjesečno, odnosno preko 12 m²/400 KM, mjesečno. Utvrđena naknada plaća se unaprijed mjesečno, za odobreni period, a prva rata prilikom preuzimanja rješenja.
- d) Za postavljanje reklamnih vitrina i city lightova do 3 m²/100 KM, mjesečno, odnosno preko 3 m²/150 KM, mjesečno. Utvrđena naknada plaća se unaprijed mjesečno, za odobreni period, a prva rata prilikom preuzimanja rješenja.
- h) Za postavljanje Billboarda do 12 m²/250 KM, mjesečno, odnosno preko 12 m²/350 KM, mjesečno. Utvrđena naknada plaća se unaprijed mjesečno, za odobreni period, a prva rata prilikom preuzimanja rješenja.
- i) Za Media fasade do 200 m²/1000 KM, mjesečno, odnosno preko 200 m²/2000 KM, mjesečno. Utvrđena naknada plaća se unaprijed mjesečno, za odobreni period, a prva rata prilikom preuzimanja rješenja mjesečno.

Član 5.

U članu 19. iza stava 2, dodaju se stav 3. i 4. i glase:

"Postavljanje transparentata može se odobriti bez naknade za održavanje manifestacija značajnog kulturnog, vjerskog, političkog, sportskog i humanitarnog karaktera u trajanju do 10 dana, o čemu odlučuje Općinski načelnik.

Naknada za postavljanje sadržaja iz člana 18. ove Odluke podnosiocu zahtjeva može biti umanjena za određeni iznos, ukoliko na odobrenim sadržajima besplatno reklamira Općinu Centar Sarajevo, o čemu odlučuje Općinski načelnik."

Član 6.

U Odluci o uvjetima i načinu postavljanja firmi, reklama i drugih sadržaja na građevinama i fasadama i uređenju fasada na području Općine Centar Sarajevo, broj 01-23-1965/17 od 27.03.2017. godine iza člana 25. dodaje se član 26. i glasi:

"Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Član 7.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-49-1090/17
20. aprila 2017. godine
Sarajevo

Predsjedavajuća
Općinskog vijeća
Karolina Karačić, s. r.

Ova odluka je objavljena na oglasnoj ploči Općine Centar, dana 24.04.2017. godine.

Na osnovu člana 8. stav 3. alineje 17. i 29. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 10. i 68. Statuta Općine Centar-Prečišćeni tekst ("Službene novine Kantona Sarajevo", broj 23/04) i člana 27. Zakona o zaštiti i dobrobiti životinja ("Službeni glasnik BiH", broj 25/09), Općinsko vijeće Centar Sarajevo je, na Devetoj redovnoj sjednici održanoj dana 20.04.2017. godine, donijelo

ODLUKU

O IZRADI STUDIJE O ZBRINJAVANJU PASA
LUTALICA NA PODRUČJU OPĆINE CENTAR
SARAJEVO

Član 1.

Općinsko vijeće donosi odluku o izradi studije o zbrinjavanju pasa lualica na području Općine Centar Sarajevo.

Član 2.

Predmet studije je pronalazjenje rješenja za pse koji se kreću ulicama i javnim površinama na području Općine Centar Sarajevo, bez registriranih vlasnika.

Ova Odluka se ne primjenjuje na službene pse koji u obavljanju svojih poslova, koriste tijela državne uprave i druge pravne osobe (zaštitari, policija, granična služba) kao i na pse osposobljene za pomoć osobama sa posebnim potrebama, te lovačke pse i pse tartufare za vrijeme lova. Držanje i kretanje lovačkih pasa za vrijeme lova izvan naselja utvrđen je Zakonom o lovstvu, propisima na osnovu navedenog Zakona i drugim propisima koji se odnosi na oblast lova.

Član 3.

Studiju o zbrinjavanju pasa lualica na području Općine Centar Sarajevo izradit će Veterinarski fakultet u Sarajevu.

Član 4.

Za izradu studije određuje se rok u trajanju od 60 dana.

Član 5.

Sredstva potrebna za izradu studije obezbijedit će Općina Centar Sarajevo, a način plaćanja kao i svi ostali uvjeti biti će regulisani posebnim ugovorom između Općine Centar Sarajevo i Veterinarskog fakulteta Sarajevo.

Član 6.

Ova Odluka stupa na snagu narednog dana od dana objavljivanja na oglasnoj tabli Općine Centar Sarajevo, a objavit će se i u "Službenim novinama Kantona Sarajevo".

Broj 01-49-1091/17
20. aprila 2017. godine
Sarajevo

Predsjedavajuća
Općinskog vijeća
Karolina Karačić, s. r.

Ova odluka je objavljena na oglasnoj ploči Općine Centar dana 24.04.2017. godine

Na osnovu člana 6. Pravilnika o dodjeli stipendije "Prof. dr. Husejin Kulenović"- Prečišćeni tekst ("Službene novine Kantona Sarajevo", br. 30/11 i 2/14) i člana 13. stav 1. Statuta Općine Centar Sarajevo - Prečišćeni tekst ("Službene novine Kantona

Sarajevo", broj 23/04), na prijedlog Komisije za obrazovanje, Općinsko vijeće Centar Sarajevo je, na Devetoj redovnoj sjednici održanoj dana 20.04.2017. godine, donijelo

ODLUKU

O IZBORU UČENIKA I STUDENATA ZA DODJELU
STIPENDIJA U ŠKOLSKOJ 2016/2017. GODINI

Član 1.

Stipendije u iznosu po 80,00 KM mjesečno dodjeljuju se za deset mjeseci nastavne godine, od 01. septembra 2016. do 30. juna 2017. godine, sljedećim redovnim učenicima:

1. Nejla (Mirsad) Karić
2. Dalida (Zajim) Adilović
3. Neira (Ilhan) Hadžiahmetagić
4. Nada (Nermin) Omerhodžić
5. Muamer (Fajik) Parić
6. Ajla (Ibro) Šehović
7. Nives (Sulejman) Pirija
8. Hana (Seid) Čatić
9. Lamija (Haris) Grabus
10. Amra (Enes) Alihodžić
11. Džavid (Vahid) Brdar
12. Irma (Nermin) Alomerović
13. Dino (Sabahudin) Kosovac
14. Robert (Zdenko) Mlinac
15. Jana (Elvir) Čelebičić
16. Emina (Emir) Smajlović
17. Amina (Mirsad) Hasović
18. Lejla (Esed) Alić
19. Ena (Adnan) Palaska
20. Sara (Kemal) Avdagić
21. Nejra (Sabahudin) Strik
22. Emina (Fahir) Bečić
23. Ilma (Džanir) Džanko
24. Sarah (Senad) Viteškić
25. Amna (Ahmed) Akšamija
26. Adna (Alija) Lisica
27. Mubina (Husnija) Kamberović
28. Bakir (Mirza) Sabljica
29. Azra (Safet) Balić
30. Anja (Robert) Stergar
31. Zerina (Fuad) Rahić
32. Salko (Edin) Vladavić
33. Robert (Vlastimir) Tomas
34. Merisa (Nedžad) Hanjalić
35. Azra (Haris) Kurtić
36. Emina (Vasilios) Tsiligkros
37. Šejla (Eldin) Halilbegović
38. Bakir (Šaban) Čorbo
39. Lajla (Muhamed) Dervišagić
40. Emina (Samir) Peljto
41. Lamija (Muamer) Duraković
42. Merjem (Mustafa) Batalović
43. Tajra (Sead) Selimović
44. Senka (Muhamed) Curovac
45. Iman (Elvin) Pašić
46. Malik (Mersad) Ramović
47. Fatih (Nesib) Hadžić
48. Lamija (Zakir) Medošević
49. Ada (Kasim) Sivac
50. Adana (Admir) Nevesinjac
51. Vlado (Mirko) Mandić
52. Merjema (Fikret) Milić
53. Nikolas (Nebojša) Eškerica
54. Mirjeta (Muhamed) Ferizaj
55. Hana (Almir) Planja
56. Lamija (Ibrahim) Lazović
57. Nejra (Alija) Ajanović
58. Amna (Adnan) Kumašin